

Босна и Херцеговина  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Комисија за хартије од вриједности



Bosna i Hercegovina  
**BRČKO DISTRIKT**  
**BOSNE I HERCEGOVINE**  
Komisija-Povjerenstvo za papire od  
vrijednosti

---

Босне Сребрне 28, 76100 Брчко Дистрикт Босне и Херцеговине, телефон: 049/232 540, 232 550, 231 880, телефакс: 049/231 891, e-mail: [khovbd@teolnet](mailto:khovbd@teolnet)  
Bosne Srebrene 28, 76100 Brčko Distrikt Bosne i Hercegovine, telefon: 049/232 540, 232 550, 231 880, telefaks: 049/231 891, e-mail: [pvpbd@elinspavic.net](mailto:pvpbd@elinspavic.net)

"Službeni glasnik Brčko distrikta BiH, " broj 34/08

**P R A V I L N I K**  
**o izmjenama i dopunama Pravilnika**  
**o uslovima i postupku emisije papira od vrijednosti**

**Brčko, juni 2008.godine**

Na osnovu člana 9. stav (2) i člana 65. stav (1) tačka 1) Zakona o papirima od vrijednosti („Službeni glasnik Brčko distrikta BiH“, broj: 15/03, 27/04,42/04 i 28/07 ), člana 6.stav 2. tačka 1. i člana 7. Statuta Komisije za papire od vrijednosti Brčko distrikta BiH („Službeni glasnik Brčko distrikta BiH“ broj: 10/04), Komisija za papire od vrijednosti Brčko distrikta BiH, na svojoj 76. (sedamdesetšestoj) sjednici održanoj dana 19.06.2008. godine, *donijela je:*

## **P R A V I L N I K**

### **o izmjenama i dopunama Pravilnika o uslovima i postupku emisije papira od vrijednosti**

#### Član 1.

U Pravilniku o uslovima i postupku emisije papira od vrijednosti („Službeni glasnik Brčko distrikta BiH“, broj: 3/08 - u daljnjem tekstu u odgovarajućem padežu: Pravilnik) iza člana 84. dodaje se novo poglavlje:

#### **„IV - EMISIJA PAPIRA OD VRIJEDNOSTI UZ SKRAĆENI PROSPEKT KOD PREDUZEĆA KOJA SU IZVRŠILA PROMJENU OBLIKA U DIONIČKO DRUŠTVO U SMISLU ODREĐABA ZAKONA O PRIVATIZACIJI PREDUZEĆA**

##### **1. Definisanje pojmova**

#### Član 85.

- (1) Pod emisijom papira od vrijednosti uz skraćeni prospekt kod preduzeća koja su izvršila promjenu oblika u dioničko društvo u smislu odredaba Zakona o privatizaciji preduzeća (u daljem tekstu: privatizovana preduzeća) podrazumijeva se emisija papira od vrijednosti u kojoj se emituju papiri koji se prodaju unaprijed određenom kupcu (zatvorena ponuda) u cilju ispunjenja obaveza po osnovu Ugovora o kupoprodaji državnog kapitala u smislu Zakona o privatizaciji preduzeća Brčko distrikta BiH.
- (2) Pod emitentom dionica iz stava (1) ovog člana podrazumijeva se preduzeće koje je privatizovano i izvršilo promjenu oblika u dioničko društvo u smislu odredaba Zakona o privatizaciji preduzeća u Brčko distriktu BiH.

#### Član 86.

- (1) Pod pojmom „privatizovanih preduzeća“ smatraju se preduzeća koja su u smislu Zakona o privatizaciji preduzeća u Brčko distriktu BiH izvršila promjenu oblika u dionička društva.
- (2) Pod pojmom „unaprijed određenom kupcu“, smatraju se lica koja imaju ugovorenu obavezu investiranja prema Ugovoru o kupoprodaji državnog kapitala (u daljem tekstu u odgovarajućem rodu i padežu: Ugovoru), kao i ona lica-postojeći dioničari koji žele da zadrže svoj procentualni udio u smislu ostvarenja prava preče kupnje.
- (3) Pod pojmom „depozitara“ smatra se banka koja ima dozvolu Komisije za papire od vrijednosti Brčko distrikta BiH za obavljanje poslova depozitara u emisiji papira od vrijednosti, kao i banka koja obavlja poslove depozitara u emisiji papira od vrijednosti u Federaciji Bosne i Hercegovine i Republici Srpskoj.
- (4) Pod pojmom „nadležni revizor“ smatra se lice ovlašteno za obavljanje revizorskih poslova u smislu Zakona o računovodstvu i reviziji (BiH, entitetskih ili Brčko distrikta BiH).

## Član 87.

Emisija papira od vrijednosti uz skraćeni prospekt zatvorenim ponudom kod privatizovanih preduzeća vrši se na osnovu prethodnog odobrenja Komisije.

## **2. Uslovi i postupak emisije papira od vrijednosti uz skraćeni prospekt zatvorenim ponudom**

### Član 88.

Emisija papira od vrijednosti uz skraćeni prospekt zatvorenim ponudom kod privatizovanih preduzeća podrazumijeva:

- a) donošenje odluke o emisiji,
- b) zaključivanje ugovora između emitenta i banke, odnosno depozitara emisije papira od vrijednosti,
- c) podnošenje zahtjeva Komisiji za papire od vrijednosti radi dobijanja odobrenja za emisiju,
- d) komunikacija sa kupcima u postupku zatvorene ponude,
- e) upis osnovnog kapitala, odnosno povećanja osnovnog kapitala po osnovu emisije papira od vrijednosti u sudski registar ,
- f) upis emitenta, odnosno promjene podataka o kapitalu u registar emitenata kod Komisije za papire od vrijednosti,
- g) upis papira od vrijednosti na račune emitenta i kupaca kod Centralnog registra papira od vrijednosti Brčko distrikta BiH.

### Član 89.

Na odredbe člana 88. tačka a) shodno se primjenjuju odredbe članova 57. i 58. ovog Pravilnika.

#### **2.1. Zaključivanje ugovora između emitenta i banke, odnosno depozitara emisije papira od vrijednosti**

### Član 90.

- (1) Depozitna banka, odnosno depozitar emisije papira od vrijednosti je ona banka koju izabere emitent i koja, na osnovu ugovora zaključenog sa emitentom i po nalogu emitenta, osigura uslove za upis papira od vrijednosti, osigura dokaze kod uplate u novcu i/ili uplate u stvarima i/ili pravima, sačinjava i dostavlja izvještaj o broju upisanih i uplaćenih papira od vrijednosti.
- (2) Ugovorom između emitenta i banke, odnosno depozitara emisije papira od vrijednosti detaljnije se uređuju pitanja u vezi načina prijema uplata za papire od vrijednosti, odnosno prenosa stvari i prava emitentu u slučaju uspješnog okončanja emisije, ili u vezi povrata uplaćenih novčanih sredstava, stvari i prava kupcima, u slučaju prekida upisa i uplate, neuspješnog okončanja emisije ili obustavljanja emisije od strane Komisije.
- (3) Ukoliko je uplata po osnovu kupovine papira od vrijednosti izvršena u novcu, banka, odnosno depozitar emisije papira od vrijednosti ima obavezu da preuzme dokaze o izvršenim uplatama na račun emitenta (izvodi bankovnih računa i sl.), izvještaj i mišljenje ovlaštenog revizora o izvršenim uplatama i stavljanju tih sredstava na trajno i slobodno raspolaganje emitentu.
- (4) Ukoliko je uplata po osnovu kupovine papira od vrijednosti izvršena unosom stvari i prava, banka, odnosno depozitar emisije papira od vrijednosti ima obavezu da preuzme dokaze o vlasništvu nad stvarima i pravima koji su predmet unosa sa svim opterećenjima, procjenu njihovih vrijednosti od strane ovlaštenog procjenitelja, kao i dokaze o stavljanju tih stvari i prava na trajno i slobodno raspolaganje emitentu.

## **2.2. Podnošenje zahtjeva**

### Član 91.

- (1) Emitent podnosi Komisiji zahtjev za odobrenje emisije papira od vrijednosti zatvorenom ponudom nakon donošenja odluke o emisiji.
- (2) Zahtjev se podnosi neposredno na protokol u službenim prostorijama Komisije ili poštom putem preporučene pošiljke.
- (3) Uz zahtjev za odobrenje emisije papira od vrijednosti zatvorenom ponudom emitent podnosi:
  - a) odluku o emisiji,
  - b) zapisnik sa sjednice nadležnog organa na kojoj je donijeta odluka o emisiji,
  - c) rješenje o upisu emitenta u sudski registar,
  - d) ugovor sa bankom, odnosno depozitarom emisije papira od vrijednosti,
  - e) prijedlog skraćenog prospekta,
  - f) revidirani finansijski izvještaj za prethodnu godinu,
  - g) potvrdu ovlaštene banke za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva,
  - h) dokaz o identitetu unaprijed poznatog kupca,
  - i) dokaz o uplati propisane naknade Komisiji.
- (4) Prilozi se podnose u originalu ili kopijama ovjerenim od strane odgovornog lica emitenta.
- (5) Izuzetno emitent ne dostavlja rješenje o upisu emitenta u sudski registar ako je isti dostavljen, odnosno dobijen u postupku upisa u Registar emitenata kod Komisije, a nije bilo promjena do dana podnošenja zahtjeva za odobrenje emisije.
- (6) Emitent ne dostavlja revidirani finansijski izvještaj za prethodnu godinu ako je dostavljen u nekom ranijem postupku.

## **2.3. Uplata papira od vrijednosti**

### Član 92.

- (1) Uplate upisanih papira od vrijednosti emitovanih uz skraćeni prospekt zatvorenom ponudom kod privatizovanih preduzeća prihvataju se i kada su ranije izvršene na račun emitenta, ako nadležni revizor svojim izvještajem i mišljenjem potvrdi da su izvršene i da su imale svrhu i cilj povećanje kapitala.
- (2) Uplate izvršene unošenjem stvari i prava prihvataju se i evidentiraju kod banke, odnosno depozitara emisije papira od vrijednosti na osnovu izvršene procjene ovlaštenog procjenitelja. Kupac je obavezan da banci, odnosno depozitaru podnese dokumentaciju koja vjerodostojno potvrđuje kupovinu papira od vrijednosti unošenjem stvari i prava.
- (3) Rok za upis i uplatu papira od vrijednosti emitovanih zatvorenom ponudom ne može biti duži od 45 (četrdeset i pet) dana od dana koji je emitent odredio za početak emisije, a uplate papira od vrijednosti od investitora (u smislu odredaba Zakona o privatizaciji) prihvataju se iako su izvršene prije dana dostavljanja rješenja Komisije kojim se emisija odobrava.

Član 93.

Na ovo poglavlje shodno se primjenjuju odredbe članova 61. do 75. i članova 77. do 84. ovog Pravilnika.

Član 94.

Član 85. ranijeg Pravilnika mijenja broj i postaje član 95. Pravilnika.“

Član 2.

Ove izmjene i dopune Pravilnika stupaju na snagu osmog dana od dana objave u «Službenom glasniku Brčko distrikta BiH».

Broj:15-02-217/08  
Datum, 19.06.2008.godine

**Predsjednik  
Komisije za papire od vrijednosti  
Brčko distrikta BiH**

**Mirsad Bešlagić,dipl.ecc**